

妙法蓮華經卷第三

後秦龜茲國三藏法師鳩摩羅什奉 詔譯

藥草□ 品第五

[0019a19] 爾時世尊告摩訶迦葉及諸大弟子：「善哉，善哉！迦葉善說如來真實功德。誠如所言，如來復有無量無邊阿僧祇功德，汝等若於無量億劫說不能盡。迦葉！當知如來是諸法之王，若有所說皆不虛也。於一切法，以智方便而演說之，其所說法，皆悉到於一切智地。如來觀知一切諸法之所歸趣，亦知一切眾生深心所行，通達無礙；又於諸法究盡明了，示諸眾生一切智慧。」

[0019a27] 「迦葉！譬如三千大千世界，山川谿谷土地所生卉木叢林及諸藥草，種類若干，名色各異。密雲彌布，遍覆三千大千世界，一時等澍，其澤普洽。卉木叢林及諸藥草，小根小莖、小枝小葉，中根中莖、中枝中葉，大根大莖、大枝大葉，諸樹大小，隨上中下各有所受。一雲所雨，稱其種性而得生長華菓敷實。雖一地所生，一雨所潤，而諸草木，各有差別。」

[0019b06] 「迦葉！當知如來亦復如是，出現於世，如大雲起，以大音聲、普遍世界天、人、阿修羅，如彼大雲遍覆三千大千國土。於大眾中、而唱是言：『我是如來、應供、正遍知、明行足、善逝、世間解、無上士、調御丈夫、天人師、佛、世尊，未度者令度，未解者令解，未安者令安，未涅槃者令得涅槃，今世後世，如實知之。我是一切知者、一切見者、知道者、開道者、說道者，汝等天、人、阿修羅眾，皆應到此，為聽法故。』爾時無數千萬億種眾生，來至佛所而聽法。如來于時，觀是眾生諸根利鈍、精進懈怠，隨其所堪而為說法，種種無量，皆令歡喜，快得善利。是諸眾生聞是法已，現世安隱，後生善處，以道受樂，亦得聞法。既聞法已，離諸障礙，於諸法中，任力所能，漸得入道。如彼大雲，雨於一切卉木叢林及諸藥草，如其種性，具足蒙潤，各得生長。」

[0019b23] 「如來說法，一相一味——所謂：解脫相、離相、滅相，究竟至於一切種智。其有眾生聞如來法，若持讀誦，如說修行，所得功德，不自覺知。所以者何？唯有如來知此眾生種相體性，念何事、思何事、修何事，云何念、云何思、云何修，以何法念、以何法思、以何法修，以何法得何法。眾生住於種種之地，唯有如來如實見之，明了無礙。如彼卉木叢林諸藥草等，而不自知上中下性。如來知是一相一味之法——所謂：解脫相、離相、滅相——究竟涅槃常寂滅相，終歸於空。佛知是已，觀眾生心欲而將護之，是故不即為說一切種智。」

[0019c06] 「汝等，迦葉！甚為希有，能知如來隨宜說法，能信能受。所以者何？諸佛世尊隨宜說法，難解難知。」

[0019c08] 爾時世尊欲重宣此義，而說偈言：

「破有法王，	出現世間，	隨眾生欲，
種種說法。	如來尊重，	智慧深遠，
久默斯要，	不務速說。	有智若聞，

則能信解；
是故迦葉！
令得正見。
起於世間，
電光晃曜，
日光掩蔽，
如可承攬。
流澍無量，
幽邃所生，
百穀苗稼，
無不豐足，
其雲所出，
隨分受潤。
稱其大小，
華菓光色，
如其體相，
而各滋茂。
譬如大雲，
為諸眾生，
大聖世尊，
而宣是言：
出于世間，
枯槁眾生，
世間之樂，
一心善聽，
我為世尊，
故現於世。
其法一味，
演暢斯義，
我觀一切，
愛憎之心。
恒為一切，
眾多亦然，
去來坐立，
如雨普潤。
威儀具足，
利根鈍根，
一切眾生，
住於諸地。

無智疑悔，
隨力為說，
迦葉當知！
遍覆一切；
雷聲遠震，
地上清涼，
其雨普等，
率土充洽。
卉木藥草，
甘蔗蒲萄，
乾地普洽，
一味之水，
一切諸樹，
各得生長，
一雨所及，
性分大小，
佛亦如是，
普覆一切。
分別演說，
於諸天人、
『我為如來，
猶如大雲，
皆令離苦，
及涅槃樂。
皆應到此，
無能及者，
為大眾說，
解脫涅槃。
常為大乘，
普皆平等，
我無貪著，
平等說法。
常演說法，
終不疲厭，
貴賤上下，
及不具足，
等雨法雨，
聞我法者，
或處人天，

則為永失。
以種種緣，
譬如大雲，
慧雲含潤，
令眾悅豫。
霰黴垂布，
四方俱下，
山川險谷、
大小諸樹，
雨之所潤，
藥木竝茂。
草木叢林，
上中下等，
根莖枝葉，
皆得鮮澤。
所潤是一，
出現於世，
既出于世，
諸法之實。
一切眾中，
兩足之尊，
充潤一切。
得安隱樂——
諸天人眾，
觀無上尊。』
安隱眾生，
甘露淨法，
以一妙音、
而作因緣。
無有彼此，
亦無限礙，
如為一人，
曾無他事。
充足世間，
持戒毀戒，
正見邪見，
而無懈倦。
隨力所受，
轉輪聖王，

釋梵諸王，	是小藥草。	知無漏法，
能得涅槃，	起六神通，	及得三明，
獨處山林，	常行禪定，	得緣覺證，
是中藥草。	求世尊處，	我當作佛，
行精進定，	是上藥草。	又諸佛子，
專心佛道，	常行慈悲，	自知作佛，
決定無疑，	是名小樹。	安住神通，
轉不退輪，	度無量億、	百千眾生，
如是菩薩，	名為大樹。	佛平等說，
如一味雨；	隨眾生性，	所受不同，
如彼草木，	所稟各異。	佛以此□□
方便開示，	種種言辭，	演說一法，
於佛智慧，	如海一滂。	我雨法雨，
充滿世間，	一味之法，	隨力修行。
如彼叢林，	藥草諸樹，	隨其大小，
漸增茂好。	諸佛之法，	常以一味，
令諸世間，	普得具足，	漸次修行，
皆得道果。	聲聞緣覺，	處於山林，
住最後身，	聞法得果，	是名藥草，
各得增長。	若諸菩薩，	智慧堅固，
了達三界，	求最上乘，	是名小樹，
而得增長。	復有住禪，	得神通力，
聞諸法空，	心大歡喜，	放無數光，
度諸眾生，	是名大樹，	而得增長。
如是迦葉！	佛所說法，	譬如大雲，
以一味雨，	潤於人華，	各得成實。
迦葉當知！	以諸因緣、	種種譬□□
開示佛道，	是我方便，	諸佛亦然。
今為汝等，	說最實事：	『諸聲聞眾，
皆非滅度。	汝等所行，	是菩薩道，
漸漸修學，	悉當成佛。』	

妙法蓮華經授記品第六

[0020b26] 爾時世尊說是偈已，告諸大眾，唱如是言：「我此弟子摩訶迦葉，於未來世，當得奉觀三百萬億諸佛世尊，供養恭敬，尊重讚歎，廣宣諸佛無量大法。於最後身，得成為佛，名曰光明如來、應供、正遍知、明行足、善逝、世間解、無上士、調御丈夫、天人師、佛、世尊。國名光德，劫名大莊嚴。佛壽十二小劫，正法住世二十小劫，像法亦住二十小劫。國界嚴飾，無諸穢惡、瓦礫荊棘、便利不淨。其土平正，無有高下、坑坎堆阜。琉璃為地，寶樹行列，黃金

為繩，以界道側，散諸寶華，周遍清淨。其國菩薩無量千億，諸聲聞眾亦復無數，無有魔事，雖有魔及魔民，皆護佛法。」

[0020c09] 爾時世尊欲重宣此義，而說偈言：

「告諸比丘：	『我以佛眼，	見是迦葉，
於未來世，	過無數劫，	當得作佛。
而於來世，	供養奉觀，	三百萬億，
諸佛世尊。	為佛智慧，	淨修梵行。
供養最上，	二足尊已，	修習一切，
無上之慧。	於最後身，	得成為佛。
其土清淨，	琉璃為地，	多諸寶樹，
行列道側，	金繩界道，	見者歡喜。
常出好香，	散眾名華，	種種奇妙，
以為莊嚴。	其地平正，	無有丘坑。
諸菩薩眾，	不可稱計，	其心調柔，
逮大神通，	奉持諸佛，	大乘經典。
諸聲聞眾，	無漏後身，	法王之子，
亦不可計，	乃以天眼，	不能數知。
其佛當壽，	十二小劫；	正法住世，
二十小劫；	像法亦住，	二十小劫。
光明世尊，	其事如是。』」	

[0020c28] 爾時大目犍連、須菩提、摩訶迦栴延等，皆悉悚慄，一心合掌，瞻仰尊顏，目不暫捨，即共同聲而說偈言：

「大雄猛世尊，	諸釋之法王，
哀愍我等故，	而賜佛音聲。
若知我深心，	見為授記者，
如以甘露灑，	除熱得清涼。
如從饑國來，	忽遇大王膳，
心猶懷疑懼，	未敢即便食；
若復得王教，	然後乃敢食。
我等亦如是，	每惟小乘過，
不知當云何，	得佛無上慧。
雖聞佛音聲，	言我等作佛，
心尚懷憂懼，	如未敢便食；
若蒙佛授記，	爾乃快安樂。
大雄猛世尊，	常欲安世間，
願賜我等記，	如飢須教食。」

[0021a16] 爾時世尊知諸大弟子心之所念，告諸比丘：「是須菩提，於當來世，奉觀三百萬億那由他佛，供養恭敬，尊重讚歎，常修梵行，具菩薩道。於最後身、得成為佛，號曰名相如來、應供、正遍知、明行足、善逝、世間解、無上士、調御丈夫、天人師、佛、世尊。劫名有寶。國名寶生。其土平正，頗梨為地，寶樹莊嚴，無諸丘坑、沙礫、荊棘、便利之穢，寶華覆地，周遍清淨。其土人民，皆處寶臺、珍妙樓閣。聲聞弟子，無量無邊，算數譬□所不能知。諸菩薩眾，無數千萬億那由他。佛壽十二小劫，正法住世二十小劫，像法亦住二十小劫。其佛常處虛空為眾說法，度脫無量菩薩及聲聞眾。」爾時世尊欲重宣此義，而說偈言：

「諸比丘眾，	今告汝等，	皆當一心，
聽我所說：	我大弟子，	須菩提者，
當得作佛，	號曰名相。	當供無數，
萬億諸佛，	隨佛所行，	漸具大道。
最後身得，	三十二相，	端正姝妙，
猶如寶山。	其佛國土，	嚴淨第一，
眾生見者，	無不愛樂，	佛於其中，
度無量眾。	其佛法中，	多諸菩薩，
皆悉利根，	轉不退輪，	彼國常以，
菩薩莊嚴。	諸聲聞眾，	不可稱數，
皆得三明，	具六神通，	住八解脫，
有大威德。	其佛說法，	現於無量，
神通變化，	不可思議。	諸天人民，
數如恒沙，	皆共合掌，	聽受佛語。
其佛當壽，	十二小劫，	正法住世，
二十小劫，	像法亦住，	二十小劫。」

[0021b17] 爾時世尊復告諸比丘眾：「我今語汝，是大迦旃延，於當來世，以諸供具，供養奉事八千億佛，恭敬尊重。諸佛滅後，各起塔廟，高千由旬，縱廣正等五百由旬，皆以金、銀、琉璃、車璫，馬瑙、真珠、玫瑰、七寶合成，眾華、瓔珞、塗香、末香、燒香、繒蓋、幢幡，供養塔廟。過是已後，當復供養二萬億佛，亦復如是。供養是諸佛已，具菩薩道，當得作佛。號曰閻浮那提金光如來、應供、正遍知、明行足、善逝、世間解、無上士、調御丈夫、天人師、佛、世尊。其土平正，頗梨為地，寶樹莊嚴，黃金為繩以界道側，妙華覆地，周遍清淨，見者歡喜。無四惡道——地獄、餓鬼、畜生、阿修羅道，多有天、人、諸聲聞眾及諸菩薩，無量萬億莊嚴其國。佛壽十二小劫，正法住世二十小劫，像法亦住二十小劫。」

[0021c03] 爾時世尊欲重宣此義，而說偈言：

「諸比丘眾、	皆一心聽，	如我所說，
真實無異。	是迦梅延，	當以種種，
妙好供具，	供養諸佛。	諸佛滅後，
起七寶塔，	亦以華香，	供養舍利。
其最後身，	得佛智慧，	成等正覺。
國土清淨，	度脫無量，	萬億眾生，
皆為十方，	之所供養。	佛之光明，
無能勝者。	其佛號曰，	閻浮金光。
菩薩聲聞，	斷一切有，	無量無數，
莊嚴其國。」		

[0021c15] 爾時世尊復告大眾：「我今語汝，是大目犍連，當以種種供具供養八千諸佛，恭敬尊重。諸佛滅後，各起塔廟，高千由旬，縱廣正等五百由旬，皆以金、銀、琉璃、車璫、馬瑙、真珠、玫瑰、七寶合成，眾華、瓔珞、塗香、末香、燒香、繪蓋、幢幡，以用供養。過是已後，當復供養二百萬億諸佛，亦復如是。當得成佛，號曰多摩羅跋栴檀香如來、應供、正遍知、明行足、善逝、世間解、無上士、調御丈夫、天人師、佛、世尊。劫名喜滿，國名意樂。其土平正，頗梨為地，寶樹莊嚴，散真珠華，周遍清淨，見者歡喜。多諸天、人、菩薩、聲聞，其數無量。佛壽二十四小劫，正法住世四十小劫，像法亦住四十小劫。」

[0021c28] 爾時世尊欲重宣此義，而說偈言：

「我此弟子、	大目犍連，	捨是身已，
得見八千，	二百萬億，	諸佛世尊。
為佛道故，	供養恭敬，	於諸佛所，
常修梵行，	於無量劫，	奉持佛法。
諸佛滅後，	起七寶塔，	長表金□□
華香伎樂，	而以供養，	諸佛塔廟。
漸漸具足，	菩薩道已，	於意樂國，
而得作佛。	號多摩羅，	栴檀之香。
其佛壽命，	二十四劫，	常為天人，
演說佛道。	聲聞無量，	如恒河沙，
三明六通，	有大威德。	菩薩無數，
志固精進，	於佛智慧，	皆不退轉。
佛滅度後，	正法當住，	四十小劫，
像法亦爾。	我諸弟子，	威德具足，
其數五百，	皆當授記。	於未來世、
咸得成佛。	我及汝等，	宿世因緣，
吾今當說，	汝等善聽。」◎	

妙法蓮華經化城□ 品第七

[0022a19] 佛告諸比丘：「乃往過去無量無邊不可思議阿僧祇劫，爾時有佛，名大通智勝如來、應供、正遍知、明行足、善逝、世間解、無上士、調御丈夫、天人師、佛、世尊。其國名好成，劫名大相。諸比丘！彼佛滅度已來，甚大久遠，譬如三千大千世界所有地種，假使有人磨以為墨，過於東方千國土乃下一點，大如微塵，又過千國土復下一點，如是展轉盡地種墨。於汝等意云何？是諸國土，若算師，若算師弟子，能得邊際，知其數不？」

[0022a28] 「不也，世尊！」

[0022a28] 「諸比丘！是人所經國土，若點不點，盡末為塵，一塵一劫；彼佛滅度已來，復過是數無量無邊百千萬億阿僧祇劫。我以如來知見力故，觀彼久遠，猶若今日。」

[0022b03] 爾時世尊欲重宣此義，而說偈言：

「我念過去世，	無量無邊劫，
有佛兩足尊，	名大通智勝。
如人以力磨，	三千大千土，
盡此諸地種，	皆悉以為墨。
過於千國土，	乃下一塵點，
如是展轉點，	盡此諸塵墨。
如是諸國土，	點與不點等，
復盡末為塵，	一塵為一劫。
此諸微塵數，	其劫復過是，
彼佛滅度來，	如是無量劫。
如來無礙智，	知彼佛滅度，
及聲聞菩薩，	如見今滅度。
諸比丘當知！	佛智淨微妙，
無漏無所礙，	通達無量劫。」

[0022b19] 佛告諸比丘：「大通智勝佛壽五百四十萬億那由他劫。其佛本坐道場，破魔軍已，垂得阿耨多羅三藐三菩提，而諸佛法不現在前。如是一小劫乃至十小劫，結加趺坐，身心不動，而諸佛法猶不在前。爾時忉利諸天，先為彼佛於菩提樹下敷師子座，高一由旬，佛於此座當得阿耨多羅三藐三菩提。適坐此座，時諸梵天王雨眾天華，面百由旬，香風時來，吹去萎華，更雨新者。如是不絕，滿十小劫，供養於佛，乃至滅度常雨此華。四王諸天為供養佛，常擊天鼓，其餘諸天作天伎樂，滿十小劫，至于滅度亦復如是。」

[0022c02] 「諸比丘！大通智勝佛過十小劫，諸佛之法乃現在前，成阿耨多羅三藐三菩提。其佛未出家時，有十六子，其第一者名曰智積。諸子各有種種珍異玩好之具，聞父得成阿耨多羅三藐三菩提，皆捨所珍，往詣佛所。諸母涕泣而隨送之。其祖轉輪聖王，與一百大臣及餘百千萬億人民，皆共圍繞，隨至道

場。咸欲親近大通智勝如來，供養恭敬，尊重讚歎。到已，頭面禮足，繞佛畢已，一心合掌，瞻仰世尊，以偈頌曰：

「『大威德世尊，為度眾生故，
於無量億劫，爾乃得成佛，
諸願已具足，善哉吉無上。
世尊甚希有，一坐十小劫，
身體及手足，靜然安不動。
其心常惓怕，未曾有散亂，
究竟永寂滅，安住無漏法。
今者見世尊，安隱成佛道，
我等得善利，稱慶大歡喜。
眾生常苦惱，盲暝無導師，
不識苦盡道，不知求解脫。
長夜增惡趣，減損諸天眾，
從冥入於冥，永不聞佛名。
今佛得最上，安隱無漏道，
我等及天人，為得最大利，
是故咸稽首，歸命無上尊。』

[0022c28]「爾時十六王子偈讚佛已，勸請世尊轉於法輪，咸作是言：『世尊說法，多所安隱、憐愍、饒益諸天人民。』重說偈言：

「『世雄無等倫，百福自莊嚴，
得無上智慧，願為世間說。
度脫於我等、及諸眾生類，
為分別顯示，令得是智慧。
若我等得佛，眾生亦復然。
世尊知眾生，深心之所念，
亦知所行道，又知智慧力，
欲樂及修福，宿命所行業。
世尊悉知已，當轉無上輪。』」

[0023a11] 佛告諸比丘：「大通智勝佛得阿耨多羅三藐三菩提時，十方各五百萬億諸佛世界六種震動，其國中間幽冥之處，日月威光所不能照，而皆大明。其中眾生，各得相見，咸作是言：『此中云何忽生眾生，又其國界、諸天宮殿、乃至梵宮，六種震動；大光普照，遍滿世界，勝諸天光。』

[0023a17]「爾時東方五百萬億諸國土中，梵天宮殿光明照曜，倍於常明。諸梵天王各作是念：『今者宮殿光明，昔所未有。以何因緣而現此相？』是時諸梵天王，即各相詣，共議此事。時彼眾中，有一大梵天王，名救一切，為諸梵眾而說偈言：

「『我等諸宮殿，光明昔未有，
此是何因緣，宜各共求之。
為大德天生，為佛出世間，
而此大光明，遍照於十方。』

[0023a27]「爾時五百萬億國土諸梵天王，與宮殿俱，各以衣祴，盛諸天華，共詣西方推尋是相。見大通智勝如來處于道場菩提樹下，坐師子座，諸天、龍王、乾闥婆、緊那羅、摩睺羅伽、人非人等，恭敬圍繞，及見十六王子請佛轉法輪。即時諸梵天王頭面禮佛，繞百千匝，即以天華而散佛上——其所散華如須彌山；并以供養佛菩提樹——其菩提樹高十由旬。華供養已，各以宮殿奉上彼佛，而作是言：『唯見哀愍，饒益我等。所獻宮殿，願垂納受。』時諸梵天王，即於佛前，一心同聲以偈頌曰：

「『世尊甚希有，難可得□遇，
具無量功德，能救護一切。
天人之大師，哀愍於世間，
十方諸眾生，普皆蒙饒益。
我等所從來，五百萬億國，
捨深禪定樂，為供養佛故。
我等先世福，宮殿甚嚴飾，
今以奉世尊，唯願哀納受。』

[0023b17]「爾時諸梵天王偈讚佛已，各作是言：『唯願世尊轉於法輪，度脫眾生，開涅槃道。』時諸梵天王，一心同聲而說偈言：

「『世雄兩足尊，唯願演說法，
以大慈悲力，度苦惱眾生。』

[0023b22]「爾時大通智勝如來，默然許之。

[0023b22]「又，諸比丘！東南方五百萬億國土諸大梵王，各自見宮殿光明照耀，昔所未有。歡喜踊躍，生希有心，即各相詣，共議此事。時彼眾中有一大梵天王，名曰大悲，為諸梵眾而說偈言：

「『是事何因緣，而現如此相？
我等諸宮殿，光明昔未有。
為大德天生？為佛出世間？
未曾見此相，當共一心求。
過千萬億土，尋光共推之，
多是佛出世，度脫苦眾生。』

[0023c04]「爾時五百萬億諸梵天王與宮殿俱，各以衣祴盛諸天華，共詣西北方推尋是相。見大通智勝如來，處于道場菩提樹下，坐師子座，諸天、龍王、乾闥婆、緊那羅、摩睺羅伽、人非人等，恭敬圍繞，及見十六王子請佛轉法輪。

時諸梵天王頭面禮佛，繞百千匝，即以天華而散佛上——所散之華如須彌山，并以供養佛菩提樹。華供養已，各以宮殿奉上彼佛，而作是言：『唯見哀愍，饒益我等。所獻宮殿，願垂納受。』爾時諸梵天王即於佛前，一心同聲以偈頌曰：

「『聖主天中王，
哀愍眾生者，
世尊甚希有，
一百八十劫，
三惡道充滿，
今佛出於世，
世間所歸趣，
為眾生之父，
我等宿福慶，
迦陵頻伽聲，
我等今敬禮。
久遠乃一現，
空過無有佛。
諸天眾減少，
為眾生作眼。
救護於一切，
哀愍饒益者。
今得□世尊。』」

[0023c24]「爾時諸梵天王偈讚佛已，各作是言：『唯願世尊哀愍一切，轉於法輪，度脫眾生。』時諸梵天王，一心同聲而說偈言：

「『大聖轉法輪，
度苦惱眾生，
眾生聞此法，
諸惡道減少，
顯示諸法相，
令得大歡喜。
得道若生天，
忍善者增益。』」

[0024a02]「爾時大通智勝如來默然許之。

[0024a02]「又，諸比丘！南方五百萬億國土諸大梵王，各自見宮殿光明照曜，昔所未有。歡喜踊躍，生希有心，即各相詣，共議此事：『以何因緣，我等宮殿有此光曜？』時彼眾中有一大梵天王，名曰妙法，為諸梵眾而說偈言：

「『我等諸宮殿，
此非無因緣，
過於百千劫，
為大德天生？
光明甚威曜，
是相宜求之。
未曾見是相，
為佛出世間？』」

[0024a12]「爾時五百萬億諸梵天王與宮殿俱，各以衣祴盛諸天華，共詣北方推尋是相。見大通智勝如來，處於道場菩提樹下，坐師子座，諸天、龍王、乾闥婆、緊那羅、摩睺羅伽、人非人等，恭敬圍繞，及見十六王子請佛轉法輪。時諸梵天王頭面禮佛，繞百千匝，即以天華而散佛上——所散之華如須彌山，并以供養佛菩提樹。華供養已，各以宮殿奉上彼佛，而作是言：『唯見哀愍，饒益我等。所獻宮殿，願垂納受。』爾時諸梵天王，即於佛前，一心同聲以偈頌曰：

「『世尊甚難見，
過百三十劫，
諸飢渴眾生，
破諸煩惱者，
今乃得一見。
以法雨充滿，

昔所未曾見， 無量智慧者，
如優曇鉢花， 今日乃□遇。
我等諸宮殿， 蒙光故嚴飾，
世尊大慈悲， 唯願垂納受。』

[0024b01]「爾時諸梵天王偈讚佛已，各作是言：『唯願世尊轉於法輪，令一切世間諸天、魔、梵、沙門、婆羅門，皆獲安隱而得度脫。』時諸梵天王，一心同聲以偈頌曰：

『唯願天人尊， 轉無上法輪，
擊于大法鼓， 而吹大法螺，
普雨大法雨， 度無量眾生。
我等咸歸請， 當演深遠音。』

[0024b09]「爾時大通智勝如來默然許之。西南方乃至下方，亦復如是。

[0024b10]「爾時上方五百萬億國土諸大梵王，皆悉自覩所止宮殿光明威曜，昔所未有。歡喜踊躍，生希有心，即各相詣，共議此事：『以何因緣，我等宮殿，有斯光明？』時彼眾中有一大梵天王，名曰尸棄，為諸梵眾而說偈言：

『今以何因緣， 我等諸宮殿，
威德光明曜， 嚴飾未曾有。
如是之妙相， 昔所未聞見，
為大德天生？ 為佛出世間？』

[0024b20]「爾時五百萬億諸梵天王與宮殿俱，各以衣祴盛諸天華，共詣下方推尋是相。見大通智勝如來，處于道場菩提樹下，坐師子座，諸天、龍王、乾闥婆、緊那羅、摩睺羅伽、人非人等，恭敬圍繞，及見十六王子請佛轉法輪。時諸梵天王頭面禮佛，繞百千匝，即以天華而散佛上——所散之花如須彌山，并以供養佛菩提樹。花供養已，各以宮殿奉上彼佛，而作是言：『唯見哀愍，饒益我等。所獻宮殿，願垂納受。』時諸梵天王，即於佛前，一心同聲以偈頌曰：

『善哉見諸佛， 救世之聖尊，
能於三界獄， 勉出諸眾生。
普智天人尊， 哀愍群萌類，
能開甘露門， 廣度於一切。
於昔無量劫， 空過無有佛，
世尊未出時， 十方常暗冥，
三惡道增長， 阿修羅亦盛，
諸天眾轉減， 死多墮惡道。
不從佛聞法， 常行不善事，
色力及智慧， 斯等皆減少。
罪業因緣故， 失樂及樂想，

住於邪見法，	不識善儀則，
不蒙佛所化，	常墮於惡道。
佛為世間眼，	久遠時乃出，
哀愍諸眾生，	故現於世間。
超出成正覺，	我等甚欣慶，
及餘一切眾，	喜歎未曾有。
我等諸宮殿，	蒙光故嚴飾，
今以奉世尊，	唯垂哀納受。
願以此功德，	普及於一切，
我等與眾生，	皆共成佛道。』

[0024c23]「爾時五百萬億諸梵天王偈讚佛已，各白佛言：『唯願世尊轉於法輪，多所安隱，多所度脫。』時諸梵天王而說偈言：

『世尊轉法輪，	擊甘露法鼓，
度苦惱眾生，	開示涅槃道。
唯願受我請，	以大微妙音，
哀愍而敷演，	無量劫習法。』

[0025a01]「爾時大通智勝如來，受十方諸梵天王及十六王子請，即時三轉十二行法輪——若沙門、婆羅門，若天、魔、梵及餘世間所不能轉——謂是苦，是苦集，是苦滅，是苦滅道；及廣說十二因緣法——無明緣行，行緣識，識緣名色，名色緣六入，六入緣觸，觸緣受，受緣愛，愛緣取，取緣有，有緣生，生緣老死憂悲苦惱。無明滅則行滅，行滅則識滅，識滅則名色滅，名色滅則六入滅，六入滅則觸滅，觸滅則受滅，受滅則愛滅，愛滅則取滅，取滅則有滅，有滅則生滅，生滅則老死憂悲苦惱滅。

[0025a12]「佛於天人大眾之中說是法時，六百萬億那由他人，以不受一切法故，而於諸漏心得解脫，皆得深妙禪定，三明、六通，具八解脫。第二、第三、第四說法時，千萬億恒河沙那由他等眾生，亦以不受一切法故，而於諸漏心得解脫。從是已後，諸聲聞眾無量無邊不可稱數。

[0025a18]「爾時十六王子——皆以童子出家而為沙彌，諸根通利，智慧明了，已曾供養百千萬億諸佛，淨修梵行，求阿耨多羅三藐三菩提——俱白佛言：『世尊！是諸無量千萬億大德聲聞，皆已成就。世尊亦當為我等說阿耨多羅三藐三菩提法，我等聞已，皆共修學。世尊！我等志願如來知見，深心所念，佛自證知。』爾時轉輪聖王所將眾中八萬億人，見十六王子出家，亦求出家。王即聽許。

[0025a27]「爾時彼佛，受沙彌請，過二萬劫已，乃於四眾之中說是大乘經，名『妙法蓮華』，教菩薩法，佛所護念。說是經已，十六沙彌為阿耨多羅三藐三菩提故，皆共受持，諷誦通利。說是經時，十六菩薩沙彌皆悉信受；聲聞眾中，亦有信解；其餘眾生千萬億種，皆生疑惑。佛說是經，於八千劫未曾休廢。說

此經已，即入靜室，住於禪定八萬四千劫。是時十六菩薩沙彌，知佛入室寂然禪定，各昇法座，亦於八萬四千劫，為四部眾，廣說分別妙法華經。一一皆度六百萬億那由他恒河沙等眾生，示教利喜，令發阿耨多羅三藐三菩提心。

[0025b10]「大通智勝佛過八萬四千劫已，從三昧起，往詣法座安詳而坐，普告大眾：『是十六菩薩沙彌，甚為希有，諸根通利，智慧明了，已曾供養無量千萬億數諸佛。於諸佛所，常修梵行，受持佛智，開示眾生，令入其中。汝等皆當數數親近而供養之。所以者何？若聲聞、辟支佛及諸菩薩，能信是十六菩薩所說經法，受持不毀者，是人皆當得阿耨多羅三藐三菩提、如來之慧。』」

[0025b18] 佛告諸比丘：「是十六菩薩，常樂說是妙法蓮華經，一一菩薩所化六百萬億那由他恒河沙等眾生，世所生與菩薩俱，從其聞法，悉皆信解，以此因緣，得□ 四百萬億諸佛世尊，□ 于今不盡。」

[0025b23]「諸比丘！我今語汝：『彼佛弟子十六沙彌，今皆得阿耨多羅三藐三菩提，於十方國土現在說法，有無量百千萬億菩薩、聲聞，以為眷屬。其二沙彌，東方作佛，一名阿閼，在歡喜國，二名須彌頂；東南方二佛，一名師子音，二名師子相；南方二佛，一名虛空住，二名常滅；西南方二佛，一名帝相，二名梵相；西方二佛，一名阿彌陀，二名度一切世間苦惱；西北方二佛，一名多摩羅跋耆檀香神通，二名須彌相；北方二佛，一名雲自在，二名雲自在王；東北方佛，名壞一切世間怖畏，第十六我釋迦牟尼佛於娑婆國土成阿耨多羅三藐三菩提。』」

[0025c07]「諸比丘！我等為沙彌時，各各教化無量百千萬億恒河沙等眾生，從我聞法，為阿耨多羅三藐三菩提。此諸眾生，于今有住聲聞地者，我常教化阿耨多羅三藐三菩提。是諸人等，應以是法漸入佛道。所以者何？如來智慧，難信難解。爾時所化無量恒河沙等眾生者，汝等諸比丘，及我滅度後未來世中聲聞弟子是也。我滅度後，復有弟子不聞是經，不知不覺菩薩所行，自於所得功德生滅度想，當入涅槃。我於餘國作佛，更有異名。是人雖生滅度之想入於涅槃，而於彼土求佛智慧，得聞是經，唯以佛乘而得滅度，更無餘乘，除諸如來方便說法。」

[0025c20]「諸比丘！若如來自知涅槃時到，眾又清淨、信解堅固、了達空法、深入禪定，便集諸菩薩及聲聞眾，為說是經。世間無有二乘而得滅度，唯一佛乘得滅度耳。比丘當知！如來方便，深入眾生之性，知其志樂小法，深著五欲，為是等故說於涅槃。是人若聞，則便信受。」

[0025c26]「譬如五百由旬險難惡道，曠絕無人、怖畏之處。若有多眾，欲過此道至珍寶處。有一導師，聰慧明達，善知險道通塞之相，將導眾人欲過此難。所將人眾中路懈怠，白導師言：『我等疲極，而復怖畏，不能復進；前路猶遠，今欲退還。』導師多諸方便而作是念：『此等可愍，云何捨大珍寶而欲退還？』作是念已，以方便力，於險道中過三百由旬，化作一城，告眾人言：『汝等勿怖，莫得退還。今此大城，可於中止，隨意所作。若入是城，快得安隱。若能

前至寶所，亦可得去。』是時疲極之眾，心大歡喜，歎未曾有：『我等今者免斯惡道，快得安隱。』於是眾人前入化城，生已度想、生安隱想。爾時導師，知此人眾既得止息，無復疲倦。即滅化城，語眾人言：『汝等去來，寶處在近。向者大城，我所化作，為止息耳。』

[0026a13]「諸比丘！如來亦復如是，今為汝等作大導師，知諸生死煩惱惡道險難長遠，應去應度。若眾生但聞一佛乘者，則不欲見佛，不欲親近，便作是念：『佛道長遠，久受勤苦乃可得成。』佛知是心怯弱下劣，以方便力，而於中道為止息故，說二涅槃。若眾生住於二地，如來爾時即便為說：『汝等所作未辦，汝所住地，近於佛慧，當觀察籌量所得涅槃非真實也。但是如來方便之力，於一佛乘分別說三。』如彼導師，為止息故，化作大城。既知息已，而告之言：『寶處在近，此城非實，我化作耳。』」爾時世尊欲重宣此義，而說偈言：

「大通智勝佛，	十劫坐道場，
佛法不現前，	不得成佛道。
諸天神龍王、	阿修羅眾等，
常雨於天華，	以供養彼佛。
諸天擊天鼓，	并作眾伎樂，
香風吹萎華，	更雨新好者。
過十小劫已，	乃得成佛道，
諸天及世人，	心皆懷踊躍。
彼佛十六子，	皆與其眷屬，
千萬億圍繞，	俱行至佛所，
頭面禮佛足，	而請轉法輪：
『聖師子法雨，	充我及一切。』
世尊甚難□□□	久遠時□現□
為覺悟群生，	震動於一切。
東方諸世界，	五百萬億國，
梵宮殿光曜，	昔所未曾有。
諸梵見此相，	尋來至佛所，
散花以供養，	并奉上宮殿，
請佛轉法輪，	以偈而讚歎。
佛知時未至，	受請默然坐。
三方及四維、	上下亦復爾，
散花奉宮殿，	請佛轉法輪：
『世尊甚難□□□	願以大慈悲，
廣開甘露門，	轉無上法輪。』
無量慧世尊，	受彼眾人請，
為宣種種法：	『四諦十二緣，
無明至老死，	皆從生緣有。

如是眾過患，
宣暢是法時，
得盡諸苦際，
第二說法時，
於諸法不受，
從是後得道，
萬億劫算數，
時十六王子，
皆共請彼佛，
『我等及營從，
願得如世尊，
佛知童子心，
以無量因緣、
說六波羅蜜，
分別真實法，
說是法華經，
彼佛說經已，
一心一處坐，
是諸沙彌等，
為無量億眾，
各各坐法座，
於佛宴寂後，
一一沙彌等，
有六百萬億，
彼佛滅度後，
在在諸佛土，
是十六沙彌，
今現在十方，
爾時聞法者，
其有住聲聞，
我在十六數，
是故以方便，
以是本因緣，
令汝入佛道，
譬如險惡道，
又復無水草，
無數千萬眾，
其路甚曠遠，
時有一導師，

汝等應當知。』
六百萬億姪，
皆成阿羅漢。
千萬恒沙眾，
亦得阿羅漢。
其數無有量，
不能得其邊。
出家作沙彌，
演說大乘法：
皆當成佛道，
慧眼第一淨。』
宿世之所行，
種種諸譬□□
及諸神通事。
菩薩所行道，
如恒河沙偈。
靜室入禪定，
八萬四千劫。
知佛禪未出，
說佛無上慧。
說是大乘經，
宣揚助法化。
所度諸眾生，
恒河沙等眾。
是諸聞法者，
常與師俱生。
具足行佛道，
各得成正覺。
各在諸佛所，
漸教以佛道。
曾亦為汝說，
引汝趣佛慧。
今說法華經，
慎勿懷驚懼。
迴絕多毒獸，
人所怖畏處。
欲過此險道，
經五百由旬。
強識有智慧，

明了心決定，
眾人皆疲倦，
『我等今頓乏，
導師作是念：
如何欲退還，
尋時思方便，
化作大城郭，
周匝有園林，
重門高樓閣，
即作是化已，
『汝等入此城，
諸人既入城，
皆生安隱想，
導師知息已，
『汝等當前進，
我見汝疲極，
故以方便力，
汝等勤精進，
我亦復如是，
見諸求道者，
不能度生死，
故以方便力，
言：『汝等苦滅，
既知到涅槃，
爾乃集大眾，
諸佛方便力，
唯有一佛乘，
今為汝說實，
為佛一切智，
汝證一切智，
具三十二相，
諸佛之導師，
既知是息已，
在險濟眾難。
而白導師言：
於此欲退還。』
『此輩甚可愍，
而失大珍寶？』
當設神通力，
莊嚴諸舍宅，
渠流及浴池，
男女皆充滿。
慰眾言勿懼：
各可隨所樂。』
心皆大歡喜，
自謂已得度。
集眾而告言：
此是化城耳。
中路欲退還，
權化作此城。
當共至寶所。』
為一切導師。
中路而懈廢，
煩惱諸險道。
為息說涅槃。
所作皆已辦。』
皆得阿羅漢，
為說真實法。
分別說三乘，
息處故說二。
汝所得非滅，
當發大精進。
十力等佛法，
乃是真實滅。
為息說涅槃，
引入於佛慧。」

妙法蓮華經卷第三